

沈乃文 主編

明別集叢刊  
第一輯

第四十六冊

黃山書社




沈乃文 主編

明別集叢刊 第一輯

第四十六冊

黃山書社



(明) 卞榮撰

# 卞郎中詩集七卷

明成化十六年吳縉刻本



卞郎中詩集七卷

〔明〕卞榮撰

南京圖書館藏明成化十六年吳挺刻本

附《四庫全書總目·卞郎中詩

集七卷》提要

卞郎中詩集序



三百篇弗待論矣漢魏而痛於陳隋之流弊盛唐興矣而痛於晚唐之纖巧黃陳動矣而痛於宋末之麗鄙虞楊則矣而痛於元季之雕琢乃知善詩者一代不如人數

代凡幾變矣

國家文運丕興詩壇多將近世擅孫吳名者獨江陰卞華伯焉華伯自進士歷官戶部郎中居京二十年朝詩甫歸攄持續者輒擁限日應百篇風揮雨灑故詩名動天下乃

讀豫而還山遊水清燕求越  
購筆覘硯勤而詩益奇以其  
自稱蘭堂故江湖之士觀蘭  
堂署者詩未誦而心先醉焉  
蘭堂詩各體凡若干首其  
門生無錫吳以紫謀為繡梓  
儒士徐延齡而預為校正之以

浙江左布政使祁陽寧良書

卞郎中詩集叙


詩難矣乎清水出芙蓉天  
然玄雕飾夫容露下落楊  
柳月中疎李之詩本乎李之  
天才也橫空盤硬語安憤力  
排鼻韓之詩由乎韓之豪雄  
也詩著於心發乎性情即之  
事物一皆自然有是人有是詩  
不難也詩其易乎三百篇雅  
興與則周孔筆削以成經春  
秋之世登高能賦以觀人賢否  
兩漢魏晉不衰近體開之天  
寶特盛而李杜韓柳世稱大  
家不讀萬卷書胸無秘笈則

不能看、已不能况作云乎詩  
於是乎其益難矣昔齊輪  
扁之告桓公有曰心之於心應之  
於手夫得之心者機之熟應之  
手者切之巧其非難而非易為  
不言得得以形容也余同年  
江余下弟華伯學博才敏而

在吟詩興之所至持筆伸紙  
吟談應物有思有悟泉湧  
意層出頃刻多至數十韻  
衣不休清意不厭為不誣  
至可刻立之作則嚴整精  
切令人悚敬而又澹然不見  
其歡喜此人所以為難而足

伯易之蓋其機存于胸中  
者多其思物以爲之役也豈  
易窺其涯哉每錫好者吳  
尚朴嘗遺其子鏈浣吳游鏈  
手編爲多干卷鏤梓以傳  
君如余曰益一三釋不獲也  
以及

戊化十二年丙申冬十一月望  
南京大理寺卿致仕葉守  
老人仁和反時書于城內悅  
孫王傑之所



卞郎中詩集卷之一

門生錄

七言古風微行附

松石

蒼松亭亭白石齒齒白石曾為黃石公蒼松元是赤松子松不摧石不爛雲之根鶴之伴有美人芳樂考樂撫松坐石六月寒往往白雲生澗底時時玄鶴下雲端子以采兔絲于以斲茯苓丹崖翠壁斷空青一食石髓三千齡松乎石乎吾語汝汝今且莫作棟梁亦莫化作金華羊待我山中來射虎滿身風露松花香

牧牛圖

清時考牧歌周詩南山白石徒爾為歸來枕却蓑衣卧牛不穀觶亦不飢明日從容向南畝怕逐征車苦奔走年年租賦足公家社鼓如雷飲社酒我亦曾看黑牡丹一犁雨後東風寒考堂南畔披圖處杏花却裏思漫漫

春遊圖

東風花開未花謝溪山處處春如畫野人不遣官長罵蹇驢豈必東家借行行踏破苔花碧詩懷自寬天地窄旁人相見莫相猜不是華陰縣裏客

許由棄瓢

天下何重瓢何輕又惟風吹歷歷聲棄之水中不復顧瓢與天下俱無情而夫懸祿苦難舍焉知軒冕倘來者

雨足奔波塵海間何曾夢到箕山下

漁樂圖

漁家樂樂何如占斷烟波萬頃餘扁舟穩載如廣居不釣璜只釣魚得魚即沽酒此外無所須終身妻子恒相娛笑他釣名與釣利百憂千慮何其愚

時齋

夫甘作稚穉子觸熱來造時齋裏時齋主者通古今凡百隨時而已天道時寒時暑地道流行坎止時乎時乎天地且不違吾人豈敢違天地有時默坐虛白室有時行覽青山色有時抱膝梁甫吟有時夢鶴遊赤壁花晨月夕不樂將如何時乎一去兮忽若東逝波遲遲平接浙三宿而出畫我師古人丘與軻為君試作時齋歌

挹翠樓

挹翠樓在何許蒼雪二水交流處乾坤清氣結成翠俗物與之不相遇獨有樓中人以手挹而取取之左右逢其原故之則散卷則聚蒼雪一碧涵青天併作寒泉掬入膽瓶裏弁山橫枕太湖之南如畫障雲月硯屏能蓄此翠光晴是水精官翠色冷浸鵲青紙一塵不落水壺中萬境都來淨如洗閑風千里安在我元龍百尺而已矣我欲時來卧此樓醉壓濕雲飛不起

漁樂

一生踏浪不踏土足跡何曾到官府大署小網作生涯  
目得魚蝦漫無數少小為漁今已翁日日快活年年豐  
釣鰲手段吾不試誰知尚父之非熊頻末西風來浙浙  
江南吹笛聞江北醉來不覺雙眼白仰看青天大如席  
農耕商販足催科漁家之樂樂如何操舟穩若在地  
平地風波世上多

澹然

澹然子澹澹一心清似水濃如醴者吾所耻不慕膏粱  
與紉綺巡簷索突有梅花何必春園宴桃李芳蔭蕭蕭  
六月寒花中君子常相看秋風三運有松菊松可撫芳  
菊可食君不見他家甲第連雲起車馬填門耀朱紫一

朝運去成落冥門外雀羅而已矣何如澹然無所營坐  
令寥廓清風生恬澹無為歌太平身乘六氣三千齡

駢馬行春

金烏拂羽扶桑曉乘駢巡淮南道四蹄寒扶霜蕭蕭  
五花雲映目果果千金燕市未足多足練吳門空自好  
豈徒山嶽能動搖直使豺狼淨如掃叱起白石是神羊  
種來莫美皆棄草金牛岡下有畊農白馬湖邊無餓草  
澄清天下收大功踏踏耳衛歸去早

宗叔願心翁休亭

我本勞勞亭上客來而休休亭上游主人呼取百壺酒  
酒酣為我歌休休世間萬事都不挂心頭征帆昨日度

東海歸來繫纜蘆花洲一漁翁對雙白鷗刷燕抹越馳  
蹕騶于今伏櫪不轡亦不轡貴為萬戶侯草頭露落誰  
能留富有千金埒脂膏化作然臍油狐白何如百結裘  
瓦盆差勝黃金甌山肴野蔕當玆羞安樂之外復何求  
東封西谷非我謀南尋禹穴將焉求飛天八重刺八州  
我獨一壑兮一丘緬懷箕山巢與由此輩與我真同流  
震驚百里不落耳巖巖萬仞不入眸仰無愧兮俯無忤  
既無喜兮亦無憂藐乎江漢之漂萍兮天地之蜉蝣浮  
兮休兮千秋萬古同悠悠彼勞勞者肯來從我休休不  
試問休休與勞勞二者孰劣而孰優

松石圖

君家庭中石媧皇補天餘五色至今猶帶紫霄烟拂拂  
霏霏淡無跡石旁一松樹種來恨不高千尺子規未得  
來上啼海鶴尋巢下空碧鶴兮千歲松萬年石也與天  
相後先主人食松啖石髓平地可作蓬壺仙涼風飄飄  
金粉落山中酒熟獨自酌醉眠石上毛髮寒松聲如奏  
鈞天樂不射將軍虎不叱道士羊巢雲亦學李太白騎  
鶴東去振扶桑十八公我無夢石穴便是華陽洞球琳  
琅玕皆入貢惟此雲根移不動

畫竹

金盞倒潑一斗墨綠毫染出瀟湘色六月高堂興氣生  
蒼雪洒衣冷無跡嗟哉丹山有飢鳳何時啄此琅玕實

似截峒谷製六律坐使陽春回萬國又欲東海釣六鰲  
長竿下拂珊瑚石歸來再鼓南游舵酒酣卧吹月下笛

鄒佑之十丈蓮

十丈蓮在何許素華峯頭玉井庭翩然一葉隨梁溪戴  
我玉人美烟水玉人前身是太乙手把青藜光滿室錦  
雲緋裏坐看書晴虹照夜如白日喚取佳人來雪藕蜜  
脾香沁碧筒酒醉唱南朝相府蓮盤盤涼露真珠走龍  
驤萬斛於我何有狀不忤不悌自往回人間淤泥永脫  
去直欲度海登蓬萊花影動南風急芙蓉水濺荷衣  
濕空明不入小洞房仰看青天如箭筈

善卷寺涵碧軒

龍巖古寺如龍門翠嶺橫枕西南坤龍向人間行雨去  
水深千尺清潭存上人結屋潭之側潭光倒浸一天碧  
禪心包涵天與潭天淨潭空兩無跡潭花的水底紅  
恰如燈影落鏡中上人隱几竚無語色相本來都是空  
龍巖老宿依然在知我袖中有東海更須涵涵碧潭一源  
散作千流與萬派

莫善慶南溪草堂

鴻溪南浸龍山足有美人兮此卜築九朵芙蓉翠欲滴  
一泓流水清如玉草堂亦有浣花春誰問東吳與西蜀  
看花賦詩飲春酒不減蘭菊三百斛餘酣晚漱南溪水  
毛髮生寒肌起粟清秋夜半霜月高一榻仍借南溪宿

明發主人更苦留堂下黃金花簇簇一舉累十別筵飲  
插花滿頭香滿屋新詩寫入五雲箋光照牙籤三萬軸

得山樓

他人只結山中屋不見衆山真面目斯人獨起山中樓  
衆山都在書案頭有山不見山如失無山不見山乃得  
吾山之雲山無心吾山之水流不息天開圖書列左右  
九朵芙蓉落吾手山花飛飛能送酒山鳥嚶嚶自求友  
或如游龍或舞鳳白石秦鞭鞭不動得山樓上攬秀色  
不碍胸中九雲夢

題吳慶明雪竹

古云無竹令人俗今者有竹美如玉玉鸞銀鳳相向舞  
此君歲晚邀滕六幽人一生抱高節皎皎白駒在空谷  
搖風環珮锵然鳴擲地琅玕淨如沐四座無塵斗室虛  
徹夜寒光照讀書老天真降豐年瑞平安消息復何如  
梁園授簡未足數郢曲歌罷樂有餘山陰小舟不必上  
呼取龍杖行徐徐

鴈

雙翎高逐秋風起天北天南千萬里晚來棲泊楚江頭  
雪白蘆花照秋水水上林帛書今已無北門納款有匈奴  
天空野滿少繒繳只憐菰米不銜蘆夜寒飛夢落何許  
多在烟汀與月渚身辭靈沼年復年那得更尋鸕鷀侶  
月波書屋

君家有屋如林屋萬間徒多數間足浴沂童子六七人  
拊架牙籤三萬軸夜深明月生海東一塵不翳白晝同  
吾伊書聲振丹靛晶熒劍光橫白虹有倚闌芳繞屋下  
湛然一道銀河瀉豈無六六黃金鱗泥蟄只待春雷化  
瑩然水壺映寒雪吾心與之俱皎潔青天倒浸碧琉璃  
吾心與之共澄澈翠芸香拂書帶草脉望飛空一髮小  
容光必照萬境空逝者如斯體吾道

張介菴

舉世一於和惟君和而介介或無所容未免伯夷隘和  
而不流介而通與今人異古人同介也三公不可易陋  
我千駟與萬鍾我來張渚十日住四座春風吹玉樹  
疏小酌擊缶吟指點雲松結巢處一揮金錯囊盡罄義  
薄雲天郭元振荆南白屋卧雪入雪深三尺誰存問介  
菴之介介于石不顧萬金雙白璧洋洋之水可樂飢坐  
對青山太古色

綠珠圖

齊奴不學守錢虜三斛真珠賤如土娉婷飛下彩雲端  
一朵芙蓉映秋浦香塵小步金蓮穩直得千金買一酒  
髻雲斜睨金鳳釵眉月輕勾綠螺粉金谷春光暖如酒  
閒將玉管調纖手新詞舊曲堪堪憐落盡梅花折楊柳  
孫郎錯料梁家女日斷畫樓高幾許飄然正似落梅花  
楊柳含顰泣春雨

春牧圖

東風暖霧散林麓海上晴光眩遙目牧人盡說夢維魚  
兩兩三三成一簇烏犍白犍紛相逐搏虎力強無敵敵  
縣官子民舊藩息不但添丁又添犢半溪新漲花流紅  
十里平原草鋪綠橫風竹笛無別腔盡是田家太平曲  
蓑衣覆地更堪卧何必文茵紫羅褥牛兮犢兮爾將服  
村北村南啼布穀今年貢賦料無逋到處一犁春雨足

遊盛時正富利別墅

九龍直北十餘里五畝之園茅屋庶盛家別墅於此開  
風光占斷東南美清溪繞屋花連天白鶴鳴皋月照水  
喬木千章藹若雲林田十頃平如几王屋山人今已矣

王維輞川何足擬主人邀我三度遊一度便作十日留

布谷雨晴楊柳晚鯉魚風起芙蓉秋共陽春與白雪  
誰憐楚舞并吳謳暮天席地大家醉一笑蕩盡萬古愁  
北里薰天多富兒長金積玉無休時齊奴金谷果何在  
夕易芳草空離離君家常棣天下士先憂後樂同心期  
倒衣命駕曾數數慣看蜻蜓立釣絲

卞式之烏來堂

昔聞烏集府今見烏來堂四時于此烝且嘗祖龍堂之  
後神位堂中央堂成烏乃集惟孝斯致祥東家豈無數  
仞之樓題烏乎於此不足栖西家豈無百尺之高樓烏  
乎於此不肯留人不留烏鳥自止丘隅黃鳥亦如此卞

氏六龍有孝子鳥之來也豈偶爾君不見顏烏墳上烏  
衛土鳥傷之名傳萬古

趙廣洋海航

前年渡河得一葦河上招招者舟子今年渡海豈渡河  
要汴弱流三萬里誰言海水杯來大散作千支與萬派  
不必真人十丈蓮片帆如葉舟如芥颶風不作波不揚  
瑩然一鏡涵天光鮫室流珠舟側畔蜃樓散彩天中央  
海上三山色不改扶桑一樹千年在請君轉舵歸去來  
袖中亦有東海

節婦為朱將軍賦

君不見南山松霜鬢雪虐不改色世上幾度春花紅又

不見北堂竹歲去年來只自青人間烈火多焚玉將軍  
之母抱苦節一片冰心冷如鍊良人遇害正青年再不  
移天向天說將軍乃是遺腹者孤孤泣寒燈下辟纒  
織布仍乳孤五十餘年甘守寡將軍入直麒麟殿退朝  
奉母設華饌曾中大義復父讐白日當天九泉見母兮  
節兮良在茲茹苦若甘天所知天教有子更有蒿松竹  
相映蟠桃枝蟠桃結子千年後松竹因之亦不朽觀風  
使者采吾詩留取清光照宇宙

六龍圖

風雲際會良不難神物豈得終泥蟠桃花吹紅春水暖  
霹靂裂石鬼膽寒一龍隱見雲之端一龍迴旋在急湍

四龍相狎列左右進退從容有先後延平寶劍已矣乎  
葛陂竹杖今在否何如六龍駕五雲直與天地同悠久

何竹鶴山水

袁州太守何其賢鳥中之鳳人中仙眼空四海胸雲夢  
懸車早賦歸來篇鋤雲自種竹三迳養鶴只買二頃田  
明窓淨几拂綠素興至落筆生雲烟雜花幽草各繚歷  
蒼藤古木相鈎連雲門若耶在纖末只尺弱水蓬壺天  
蓬壺可望不可即聊上米家書畫船其間亦有好事者  
卧龍人去一榻懸吾鄉風流徐孺子太守下榻三年前  
青絲玉壺送春酒碧桃花庭開瓊筵醉傾墨汁如流泉  
幻出斜川及輞川分明孺子卜築處牽蘿補茅三四椽

左圖右史看不厭光風霽月浩無邊逍遙莊叟室虛白  
澹泊楊雄草太玄塞子買鄰之百萬所蓄舊物惟青氈  
肩輿數許造竹西江空歲宴相周旋

愛菊

陶潛采菊賦歸去雲均食菊嗟不過殷君愛菊豈屈陶  
界乎世世金陵佳笑移九畹置坐旁家有三迳何曾荒  
綠筆題詩照晚節玉壺載酒涵秋香顏齡可制飢可樂  
何必三山貢大藥東園桃李發狂花顛風一夜成蕭索

題龍

一龍居中巨而尊只尺可上天之門兩龍夢向勢若奔  
騰翻石走陽烏昏一龍欹掉連雲足回頭似與明珠戲

兩龍浮游各延頸會合誰知靈物意吾聞

天子朝元駕六龍左右前後彼此無乃同龍兮龍兮亮  
天工雷雨下土年年豐

芭蕉美人圖為吳署正世隆題

楚天玄雲墨作堆飛向美人頭上來翠翹金鳳揮雲際  
明月高懸玉鏡臺春衣履帖淡粧態綠微勻遠山黛  
猩紅空添石榴裙美人心中殊不愛所愛平生只貞素  
襪塵懶逐金蓮步盈盈一水未成橋皎皎三星虛在戶  
小倚玲瓏山骨寒高樓閒却玉闌干幽懷暗與湘靈會  
巫山十二天漫漫欲將白苧題扇羅羅不是尋常踏踏歌  
秋風若到芭蕉葉此扇此時將奈何

寄寧波太守張宗銘

太守胸中吞四明呼吸氣通白玉京太守服履貌東海  
海上蟠桃一落當桃花桃實三千年太守學道不學仙  
學道由來學顏孟君民竟舜非徒然自携謝朓驚人句  
登山問天天不語五馬前驅振烈風山陰怪物泣如雨  
向來傲兀水曹郎一薑二妙誰能當今守東南昔西北  
兩郡何幸逢龍黃前年尹幕寄書去辭我平生不平事  
今者問訊托尹來如得清風掃炎氣君才只合領三組  
跌宕賢豪一千古蜿蜒龍炳不可測人中之龍詩中虎  
卞和三獻荆山玉畢竟其如失雙足宋畔漫爾守株泥  
卞少終焉失其鹿欲赴西風十幅蒲四明之下游西湖

憑君送我百斛酒醉呼狂客為門徒聞說象山亦可梯  
梯雲采采紅水犀釣竿拂着六鰲背海梁高跨雙虹霓  
天雞三唱人間曉扶桑枝頭日杲杲我自江湖君廟堂  
霖雨還須潤枯稿

送友出使

崑崙發源浩百川一道上與天河連獨乘星槎萬里去  
餘子碌碌誰當綴黃門自是人中仙高秋嘯  
命下九天手持天上璫華簫東槎如坐萬斛船清風來  
從弱水外紅日飛上扶桑顛海隅之島一小國仰荷  
天恩祝萬年使旌玉節凌空烟接戍天際之雲錦填我  
胸中之闊然假令拾得支機石君平知道在誰邊

送施郎中紳使山海

八座古今重奕葉當青雲劍龜手聞見履聲天上聞十  
年出入司徒署寸步何曾失規矩寧論有脚是陽春未  
許商岩占霖雨果然昨夜 勅旨嚴山海運勞行騷  
萬廩邊儲軍飽足一方節制掌握兼黃沙捲地朔風歸  
豈曰從事吾賢勞皇華杖杜歌有口孔雀嘶雲上繡袍  
賀劉方伯崇善得子  
蟠桃結實三千年枯楊生稊或偶然爭似身居大方岳  
五十得子在眼前始言一子萬事足今喜雙雛美如玉  
殘冬雨雪正飛飛別有春風生解谷俸錢都買犀金散  
上客簪花後堂宴一經何必滿籬金好書所補三千卷

今之劉公古徐卿積善公侯衮衮生縱橫綵筆作歌賀  
誰是前身杜少陵

傳畊為朱文立作

方寸中有萬頃地明也可傳千百世傳畊端的是傳心  
心地未可岐而二乃祖乃父以此傳子孫不畊亦徒然  
若能克耨又克耨我庾維億多豐年仁為五穀種之美  
義除穢秀無荒穢穢穢穢百祿自天來時時指困周貧賈  
東家傳得黃金埒西家傳得白玉屑一朝運去金玉散  
浮雲捲盡空花滅不如傳畊無盡期旱乾水溢終不罹  
子生亦有傳畊志穀日東風為賦詩

耕雲

朝出雲相迎暮歸雲相送雲冷草根枯雲和土脉動生  
計年年事一犁耕遍壠東復壠西雲深恐爾耕得淺布  
穀飛上雲林啼我愛耕雲客為作耕雲辭我欲呼龍起  
墨池相從耕雲種紫芝

水藥

水寒寒徹骨髓苦難為舌二者能甘之一生見清節世  
人紛紛不耐寒超炎炙手無厚類貪婪美味不知足毒  
疾乃生心腹間何如冰藥翁神爽氣自充富貴有時盡  
清名垂不窮

劉負外廷震所感夏太常竹  
我家不在湘江住我家曾向湘江遊環環驚回翠華夢

鵬鵠喚起黃陵愁千竿萬竿直挺挺五月六月寒颼颼  
別來每動湘江吟相思一日如三秋湘江之吟吟不絕  
更有竹枝歌慘切空谷佳人瘦如削黃州謫官心似缺  
月中孤鸞悲離別蓬廬殘燈半明滅憑誰招得小遊仙  
投贈琅玕青玉玦我今何以懷抱開青天白日無陰靈  
衣身君子列左右丈人兀立長相陪恍然悟却丹青手  
容臺老卿世希有伶倫一朝作律後龍種千年根不朽  
何必黃金印如斗

壽鄭質菴其子循初學錄

三月之望又一日長庚光射瑤天碧而翁行幕東華東

元是鄭公鄉裏客郎君年少才無敵駙馬都尉之西席  
殷勤迎養到京邸吳雖歲綠翁之側翁年于今近七  
十顏如渥丹雙鬢黑登堂何以為翁壽崑崙高積蟠桃  
核既有三千年之玉枝亦有五百年之銅狄郎君官貴  
身復閒何必黃金兼白璧桃花飛入流霞紅鶴南飛曲  
聞吹笛笛聲穿雲且裂石何獨東坡遊赤壁翁能作詩  
又作賦玉振金聲隨地擲陽春一曲鄙人歌玉塵九斛  
巴園奕鼎沙碌碌焉足數神仙中人不易得我今為獻  
南山篇招邀赤松與黃石明朝報我以何物九節菖蒲  
雙玉鼎

贈談員外憲章

去年訪君白雲司北城官舍宴我時火龍捲飛煽母熱  
贈我八尺黃琉璃今年訪君無錫城未秋已覺涼風生  
尚書氣與秋天香副郎懷抱水盡清若翁方拜小秋  
勅蒼頡白髮生春色月中丹桂能幾枝半是君家弟兄  
得小秋自擬商山老手種琅玕拾瑤草副郎一歲將九  
遷五雲飛下金花 誥再三勸我金陵遊太白千古空  
悠悠江波為我釀春酒醉裡踏翻白鷺洲

奕基圖

巴園木奴一千樹而有二叟其中住奈無深根固蒂何  
化作白龍上天去不如洞庭人家好水閣無塵淨如掃  
楸枰相對白日閒一代風流屬二老蔗漿茗飲隨所有

不孝十一

不孝十一

手談不數談天口丁丁子聲出戶來鶴夢堦前安穩否  
勝固欣然敗亦喜但求適意而已矣王郎爭道何足云  
羊曇賭墅亦堪耻優哉游哉聊卒歲破賊休誇小兒輩  
涼風蕭蕭水面來爐烟吹斷黃雲穗

過廷章寓松

天地爐陰陽炭烈日爐剛風煽鑄出屈鍊真有鍊東雲  
壓山山欲頽鍊色蒼蒼終不變前身應是宋廣平天與  
鍊心并鍊面月斧雲斤且休斫六甲六丁空自健等閒  
化作老鍊龍三百萬衆莫與戰此鍊鑄作上方劍秋水  
芙蓉吐清酸新罷樓閣新倭臣魑魅魍魎莫敢犯

登瀛圖

吾聞唐十八學士有房玄齡杜如晦風雲際會在一朝  
飛步瀛洲若平地瀛洲春風吹五雲仙樂時時天上聞  
黃封酒注白獸樽葡萄發綠生波紋樂哉醉酒復飽德  
論思宜盡儒臣職其中何以有奸邪涇渭混淆初未識  
二十二人舜之相欽哉天工惟時亮丹青妙手能絕倫  
何不先圖舜臣像

夏廷用桂仙圖

憶昔夢上天飛步青雲路九關誰守之蕩蕩不我阻踏  
翻金蟾走玉兔親見霓裳羽衣舞一毫不虧大寶鏡功  
成八萬二千戶嫦娥初竊后羿藥桂樹旋斫吳剛斧斧  
聲丁丁朝復暮樹劍隨破亦隨補種樹問何人非今又

不孝十一

不孝十一

非古先天而生後天老文枝接葉紛無數中秋歲歲復  
年年花落花開知幾度嫦娥愛花手自折霧縠烟綃濕  
風露嫣然贈我第一枝頃爾傾心若平素抑花歸來拜  
當寧錫宴瑤林宸深慶十年不續上天夢玉宇瑤樓每  
延佇中間消息兩茫然自料此生難再遇偶遇君家圖  
畫裡人面花枝宛如故渴心一洗不生塵玉液玄津生  
肺腑知君來歲上天去金粟香中應少住君年獨少才  
獨富信手折花莫敢妬此花占斷狀元紅而白與黃何  
足數月明待雨丹鳳門天香飛下清虛府

送梅戶侯

憶君送我春明門春明門外三月暮落花飛作雨紛紛

春泥深沒雙車輪斗酒且酌城之闌憶君贈我玉如意  
人生聚散真夢耳願得如意長如此百歲光陰一彈指  
憶君贈我珊瑚鈎文光萬丈冲斗牛珊瑚出自東海頭  
捲我珠簾十二樓十二樓中白日靜心旌搖搖風不定  
風兮吹我尺素書飛到君家問起居只知君在京華住  
焉知君向滇南去滇南萬里若咫尺老眼摩娑古銅柱  
飛騎南來三百驛尋盟少駐周郎宅維時相見如夢中  
置酒高堂話夙昔青童兩兩吹玉笛翠娥娟娟彈錦瑟  
曲中不奏長相思夢天謠與遊仙詞君昔年少從鍊師  
誤讀黃庭天謫之官海茫茫將奈何湯湯浩浩皆恩波  
飛步雲臺與麟閣丈夫勲業無蹉跎若我衰遲多伏枕

景陽苦索囊中錦獨留一片清冰出萬壑坐遣六月炎

炎成凜凜明朝又踏金陵道江上青山一螺小舉頭北

望五雲深封章入奏 龍樓曉

九龍圖

巨壺一劈九龍山九龍飛去不復還僧繇自是紫龍手  
形體置之圖畫間向來捲海入天漢從此海波不得喘  
煙氣成雲上 九重世間浪說九仙館古者人龍荀與  
卜文如彪炳目如電九龍合八又合六上天下地飛騰  
遍

畫竹

珊瑚枝高十八照乘珠連城壁何如君家千琅玕四時

不改青青色珠沉璧碎將奈何擊斷珊瑚徒自惜千紅  
萬紫如蜀錦疾風一掃皆散籍琅玕心既虛琅玕節又  
直葉葉畫遶炎日赤枝枝夜節涼月白葛陂一龍露頭  
角丹山雙鳳振羽翻東海任公罷釣歸君子堂中宴佳  
客誰把并州快剪刀裁破瀟湘半江碧

翠蓮為金太守題

郡中新起小亭子覆以仙茅庇風雨根無寸土終不死  
葉葉葉葉翠如洗太守名亭曰翠蓮草名得與亭名同  
此名一日播千古惟天畫在春風中嗟乎物各有時遇  
無忘角弓殖嘉樹翠蓮翠蓮紀郡志召伯甘棠同蔽芾  
王星士梅菴

兩目閃閃電光紫一心炯炯照秋水東都門外信馬嘶

何及景純識龍耳空山亦有金盞地踏破寒雲一指示

釣臺曾結梅花菴羲畫先天在曾次北枝寄與壠頭人  
南枝散作江南春春風一路吹行李路人爭送青鳥子  
題卓太守所蓄張廷端畫

夜堂夢度西崆峒玉泉倒瀉如白虹南海北海不可辯  
但覺八面來蓬蓬頃頃更看石仇池曲北峯玲瓏翠一簇  
瀟湘洞庭只尺間日出烟銷淨寒蕙夢回十日成坐馳  
此景恍惚不可追朝來卓候展蒼竹石風泉燕有之  
掀髯對畫發長嘯乃知昨夢為先兆夢乎非假亦非真  
但愛此畫入神妙我侯君子之德風才思萬斛湧泉同